



**Departement für Volkswirtschaft und Soziales Graubünden
Departament d'economia publica e fatgs socials dal Grischun
Dipartimento dell'economia pubblica e socialità dei Grigioni**

Departament d'economia publica e fatgs socials
Ringstrasse 10, 7001 Cuira

www.dvs.gr.ch
Tel.: +41 (0)81 257 23 03
Fax: +41 (0)81 257 21 71
E-mail: info@dvs.gr.ch

Adressatas ed adressats
tenor la glista da distribuziun

7 da december 2023

Revisiun parziala da la Lescha davart il sustegn da personas basegnusas (restituziun da prestaziuns da sustegn tenor il dretg d'agid social)

Consultaziun

Stimadas dunnas e stimads signurs

Nus As sutmettain il sboz per ina revisiun parziala da la Lescha davart il sustegn da personas basegnusas (LS; DG 546.250) concernent la restituziun da prestaziuns da sustegn tenor il dretg d'agid social, per laschar prender posiziun.

En la sessiun d'october 2021 ha il Cussegl grond incumbensà la Regenza da sutmetter ina missiva cun in sboz da lescha per l'annullaziun da l'obligaziun da restituir las prestaziuns d'agid social per personas giuvnas creschidas durant l'emprima scolaziun e d'examinar ultra da quai la regulaziun vertenta concernent l'obligaziun da restituir las prestaziuns d'agid social per tut las personas basegnusas.

Cun realisar questa incumbensa ha il Departament d'economia publica e fatgs socials elavurà – ensemen cun l'Uffizi dal servetsch social – ina proposta per reglar la restituziun d'agid social. Las Directivas da la Conferenza svizra da l'agid social (COSAS) han servì en quest connex sco agid d'orientaziun.

Il sboz da la lescha ed il rapport explicativ respectiv pudais Vus consultar e chargiar giu da la pagina d'internet dal chantun sut las consultaziuns currentas (www.gr.ch → [Rumantsch](#) → [Publicaziuns](#) → [Consultaziuns](#) → [Consultaziuns currentas](#)).

Nus As envidain d'inoltrar Vossa posiziun fin ils **6 da mars 2024** per e-mail (info@dvs.gr.ch) al departament.

Nus engraziain per Vossa collavuraziun.

Salids amicabels

**DEPARTAMENT D'ECONOMIA
PUBLICA E FATGS SOCIALS**

Il schef



Cussegliev guvernativ Marcus Caduff

Glista da distribuziun:

- Vischnancas politicas dal chantun Grischun
- Centrala grischuna da dunnas
- Avenir Social Grischun
- Pro Infirmis Grischun
- Adebar
- Pro Senectute dal Grischun
- Federaziun grischuna Chasas ed ospitals
- Partidas politicas dal chantun Grischun
- Uniun grischuna d'artisanadi e mastergn
- Chombra da commerzi ed associaziun dals patruns dal Grischun
- Uniun sindacala dal Grischun
- Sindicat UNIA regiun Svizra Orientala-Grischun
- Sindicat SYNA Grischun/Regiun da Sargans
- Sindicat SSP Grischun/Glaruna
- Departaments da l'administraziun chantunala